

Angerlarserneq, ilinniakkamik unitsitsisarnerlu.

Højskolerniartunut, maannakulli højskolertunullu.

Aallaqqaasiut :

Qallunaat nunaanut højskoleriallutit aaliangersimavat. Qularnanngitsumik nalunngilluarsimassavat qanoq siunertaqarlutit ingerlanissannut .Taammaammat nuunniarninnut nangaassuteqarnissaq isumaliuutigereersimassavat soorlu maqaasinissamut imal. angerlarsernissamut.

Una sammisaq qaqilerniarlugu sammivarput, paasineqarnikummat Qallunaat Nunaani højskolertartut unittarnerat angerlarsernermut imall nammineq højskolerniarneq qinersimannikkaani unittartut amerlasinnaasut. Illit højskoliliartussa q imaluunniit højskolimiinnini angerlarserneq misigilersimagaluarukku, angerlarserneq imaluunniit angerlarserneq sumik tunngaveqartarnera paasinninnerulernissat anguniarlugu isumassatsialattut qimerloorsinnaavatit, sulii aallannginninni nalornginat qulequtat sammineqartut isummorsorfigereersimassallugit.

Apeqqutinik amerlalaartunik apeqquusersuivugut, højskolernissamut piareersaataalluni, qulaajaanissamullu tunngavissarsiorniassagavit.

2.920 kilomeeterit ungasissumiippugut sungiusimasarput qimallugu. Qallunaat nunaannut aallarninnik allannguivutit, avatagiisitit allanngorput , kulturimi allamiilerputit. Taammaammat toqqissimannginnerit misigilersinnaavat, ingattamik suut tamarmik nutaanngoraangata.

Nuulluni nutaamik kinaassuseqalertarpugut.

Angerlarserneq sunaava? Sooruna angerlarsertartugut?

Amigaateqartutut misigileraanngatta angerlarsilertarpugut. Angerlarsimaffippu imaluunniit atortakkatit maqaasilersinnaavatit.

Misigisaq maqaasisaqarneq nuannersumik ilisarnaataavoq, nuannersunullu eqqaasittarluta.

Angerlarserneq misigissusaavoq ilaatigut eqqissisimajunnaartitsisartoq. Nunamut allamut nuunneq amerlasuunnu annerusumik, minnerusumilluunniit eqqissimajunnaarnermik misigittitsisartoq. Annertuumik ilinniaqassaqaartarpugut aammalu sakkortuummik misigissuseqarfigineqarsinnaalerluni.

Kipilerneq, angerlarsernerlu pissusissamisoortuuvoq.

Aatsaat siullermik angerlarsimaffik nunagisarlu qimaqqaarsimagaani, aammalu ittuukuluttuugaani, tunuarsimaartugaanilu misigisaq angerlarserneq sakkortunerulersinnaasarpoq taammaammat Qallunaat Nunaannut atuariartornissannut isummerfigisariaqassavat, qanoq iliuuseqarsinnaanerit.

Ilaquttagut, ikinngutigut , angerlarsimaffigut, nunarpullu toqqissimaffigiuanaartarpagut.

Højskolimi mentoreqarpugut, ilinniartitsisoqartarpugut, perorsaasoqartarpugut, aammalu ineqateqartarluta inuussuttuararpassuarnillu avatagiiseqartarluta

Qaqugukkut angerlarserneq misiginarnerpaasarpa?

Nuuffissatsinnut tikitsiarnermik (toqqissimalernissannut imminut inissiuk) ulluinnakkut ikinngutitit, ilaqtatit ilagisartakkatillu taarsernissaannut tungaannut.

Juullip nalaani (aputeqanngittumiileraangatta, taarmiuleraangatta, nillileraagallu). Adventip ulloriaa ikinneqanngippat, juullip orpiliaa ikinneqanngippat.

Silami angalaarnerit misigisaqartarnerput amigaatigileraangatsigit, kalaalimineruleraangatta. Asasarput aapparisarput qimakkaangatsigu, ajornepaajusarpoq Taannalu qanoq qanngerniarnissaa isummerfigisariaqariisavat.)

Qanoq iliorutta angerlarserneq annikinnerpaaffianiitissinnaavarput ? aajuku siunnersuutitsialaat :

Suli højskolimut qinnuteqaateqannginninnik:

Sooq nunamut allamut nuunniartunga? Allannguinnissara imaluunniit nunamut, inuiaqatiginialikkannut naleqqussarnissara piareersimaffigivara?

Nammineq aalajangerpara højskolimut nuunnissara? Nammineq qinerpiuk imaluunniit allap ilinnut qinersisimava?

Illoqarfik qimannginnerani

Aallanginnerni Nunatsinniit assinik nassarit. Qanoq Ilaqtannut, kammannut isumaqatigiissuteqarpit? Qanoq annertutigisumik sianertassaagut, allattassaagut?

Kalaallisut erinarsuutininik nassarit imaluunniit erinarsuutit Internettikkut aasariikkat. Erinarsorluni angerlarsernaveersaataasinnaavoq.

Sapaat akunnerit 1-2-lulluunniit tikinnermiit. Qanoq iliussaanga, minnerpaamik angerlarsernaveersaarnissamut pinaveersaartitsisaguma?

Sunik angajoqqaannut isumaqatigiissuteqassavit imaluunniit paarlattuanik? Qanoq annertutigisumik oqaloqatigiittassavisi, allattassavisi?

Naliginnaasumik angerlarserneq millisarnissaa:

Angerlarserneq ajugaaffigineqarsinnaava?

Ilaatigut, arlaleriarlutaalunniit angajoqqaatinnut, asasatsinnut sianerusuttarpugut, taannalu kingunerusinnaavaa suli annertunerusumik angerlarsernissamut misigilernissaq.

Ilaatigut angajoqqaalluni, aappalluunniit misiginartarpoq soriarsinnaanani, naalliunnartarlunilu oqarasuaatikkut højskolertoq oqaloqatigigaani ikiorsinnaanalugulu. Taammaamat nammineq qanoq iliuuseqarnissaq, qanoq ikiorneqarnissaq aammalu nammineq suliarinissaq pingaartuusaq.

Angerlarserneq tunniliusinnaammat.

Angerlarsimaffimmiit assinik isiginnaaraani, eqqaammasat nuannersuusarput, ilannut qujamasunneq, nuannersumillu eqqarsaatigisaritit, ingattamik nakkarfinnik. Qasseeriarlunga sianertassaanga, allattassaanga?

Ilaquttatit, asaat ilagalugit sungiusarsinnaavusi suli aallartinnat aamma højskolimut tikinnerpit nalaani. Ajornartorsiut anigornissaannut sungiusarsinnaavutit, piviuusuusaartitsinikkut.

Suli aallanginnernik pilersaarusioruk qanoq sungiusarsinnaanerit. Sungiusaqatissannik ujaasigit. Nalunngisannik tukkusarik, taavalu ilannut naggataatigut qanoq ingerlasimaneranut eqqartueqatigalugit.

Højskolimiinnik nutaanik kammattaarit oqaloqatigisinnaasannik. Ineeqatitaat aneeqqatigiuk.

Højskolimi assigiinngitsunik sammisassaqtitsisarneranut akuliuttarit, inuusuttoqatitit aneeqqatigisarigit imaluunniit nammineq aneerlutit, pinngortitami alianaassusianut nutaatut isiginnilerit.

Immaqa aaliangersimasunik soqutigisaqarputit. Kammalaatissannik ujaasigit soqutigisatit malillugit. Soorlu qalipaaneq, nipilersornerit, sporteqatigisinnaasannik, isiginnaarsitseqatissannik aqutigalugit kammattaarneq.

Uunnga nittartakkamut takornarialaarit : www.thinkinuk.com , isumassatsialaanik pitsaasunik eqqarsarsinnaanermut imaqarput, ingattamik angerlarsertilluni atugassianik. Qallunaatut, kalaallisut imaluunniit tuluttut allaqqapput.

Højskolerniat siunnersueqatigiinniit højskoliniit, tapersersuisartuniit tusartarparput , inuusuttuaqqat ilaat mattullutit, ineeqqaminut , qipik ataani pilersartut “ IGDLO –syndromilersarput” oqaloqateqarusunneq ajortut .Taanna tikikkusunneqaarput. Højskolimi sulisut aammalu ineqatitaat kisimiitikkusunneq ajulissavaatit.

Illit attaveqaatinnut allanullu angerlarserneq tuniluussinnaavat, nikallortitsillutillugu.

Nutaanik kammalaatitaarit, attavissanik pilersigit.

Ullorsiuutinnut allattuigit, angerlarsernaveersaatigalugu, qanoq pikkoritsigalutit , qanoq angusaqartigalutit . Angerlarserneq qanoq inititigaa 1-miit – 10-mut , allatannut nalunaarsorlugu.

Erinarsuutitit qaqikkit, nuannarisannillu erinarsorit. Kalaallisuunnit nipilersuutininik tusarnaarit.

Højskolimi attaveqaatit atorluartaruk, angerlarserlutit nuannaarunnaaraangavit.

Oqaloqatiginninnerit, sammisaqaatit nutaat iluatsinngippata, ilinniarsimasumik ikiortissarsiortariaqassaatit. Ikiorneqarnissannut attaveqaatit ikiorseralugu saaffiginnissaatit.

Siunnersuutit pitsaasut tamarmik nunguppata, qinertariaqalissavat Kalaallit illuisaniit sulisumik ikiorneqarnissat.

Angajoqqaannut

Angajoqqaannut immikkut qppersagaaqqamik sananikuuvugut. Taanna takuuk. Inuusuttunnguaq aallannginnerani peqatigalugu imarisaannut eqqartulaarisiuk.

Immissinnut Isumaqatigiissuteqalaarisi.

Qulaani allakkiatsinnik inuusuttumut sammisumut angerlarserneq ilungersunartumut tunngasunik paasissutissanik siunnersuuteqarpugut.

Angerlarsernerit ilungersunartut kingunerisinnaavaa misigissutit annilaannganermut imaluunniit qasusoornermut stressimik misigilersinnaaneq.

Angajoqqaat akuerisariaqarpaat Højskolimi inuusuttuaqqat atugarisartagaannut. Ilinniartitsisut, sulisut, atuarfiullu pisortaa ilinniarsimasuupput, taammaamat ilinniagaannut tatigisariaqarpagut, upperalugillu. Ukiorpassuit inuusuttunik sullissisartuummata.

Angajoqqaat ilaat qimanneqarnissaminut annilaangasarput, meerartillu ajunnginnerpaamik perusuttarlugit.

Inuusuttut akornanni angerlarsernerit ilungersunartut aallaveqarsinnaapput angajoqqaat annertuumik isumakuluuteqarsimagaangata imaluunniit annertuummik sernersaasoqartillugu, illersuisoqartilluguliinniit . Aamma angerlarsimaffimmi inuusuttoq aarlerisaqarsimasinnaavoq. Ilaatigut inuusuttunnguaq akisussaafferujussuarmik tunineqarsinnaavoq, angajoqqaatit sanngiinerusut illersorniarlugit. Kisiat aamma meeraanermik kingunerluutsinik appakaasoqartillugu saqqummertoqarsinnaavoq.

Angajoqqaattut inuusuttortarsi nutaanik soqutigisaqarnissaannut imaluunniit nutaanik attavissarsioqqullugit kaammattuisaritsi.

Angajoqqaat ilaat isumaqartarput, angerlarserneq ajornartorsiutaasartoq. Højskolimi ilinniarneq unitsinneqartarneranik pissuteqarnerusarpoq angerlarsernerit aatsaat aallartileraangata imaluunniit angerlarsernerit sakkortusererlutit inissisimaleraangata.

Taammaamat angajoqqaat, inuusuttorlu akornanni unammillernartut eqqartortariaqarpaat, pitsaanerpaavoq suli Højskolimut aallannginnermi pissasoq. Tassami højskolimut pisareersimagaangamik angerlarserneq saqqummertarmat.

Angajoqqaat ilagalugit eqqartortariaqassavarsi højskoli ikerinnakkut unitsiinassappat aammalu nammineq pisuusutigalugu unissappat kiap angerlarnissaq akilissaneraa. **Kommuunit ilaat** angerlaqqinnissamut akiligassatut isumaqatigiissummi immikkut piunasaqaatinngorlugu atsiornertalimmik immersuititsisarput.

Angajoqqaat ilaat inuusuttuaraatertit aquttoortarpaat, højskolimiineranik. Taammaamat assignngittunik nukinik pilersitsisoqattarpoq soorlu (aqqutissiuisunik, tapersersortinik, aqutsisuniit inuusuttunnguaq, angajoqqaallu sapinngisamik qularunnaarsinniartarpaat, højskoli unitsissagunikkit suna inuttut kingunerlutsissinnaagaat .

Højskolerluarnissassinnut nuanninaarniarisiuk, angusaqarluarasil